

摘藻堂四庫全書薈要

史部

欽定四庫全書薈要

史部

御批歷代通鑑輯覽卷七十五

詳校官候補通政司經歷臣郭祚熾



欽定四庫全書薈要卷七千五百二十八

御批歷代通鑑輯覽卷七十五

宋

皇帝

慶曆二年春正月復權鹽法

自元昊反軍興用度不足因聽並邊入中芻粟予券

趨京師權貨務

宋初京城置權貨務後但給金銀京鈔往還而不積聚貨

受錢若

金銀入中他貨予券償以池鹽由是毛羽筋角膠漆

鐵炭瓦木之類一切以鹽易之猾商貪吏表裏為姦

至入榷木二估錢千給鹽二百二十斤鹽直益賤販者不行至是詔凡

商人虛估受券及已受鹽未鬻者皆計直輸虧官錢

內地州軍民間鹽悉收命入官官為置場增價出之

復禁永興等十一州軍商鹽官自輦運以衙前民之充役

者主官物主之又禁商鹽私入蜀置折博務于永興制見前

鳳翔聽人入錢若蜀貨易鹽趨蜀中以售已而東南

末鹽悉復禁權

二月置義勇軍

詔選河北諸州疆壯者為軍刺手背為義勇字各營  
于其州給以俸廩分番訓練不願者釋之尋又刺陝  
西秦鳳路義勇為保捷軍

三月詔舉將才

契丹來求闕南地夏四月遣知制誥富弼報之

契丹主有南侵意會元昊反欲乘釁取瓦橋以南十

縣地乃集羣臣議南院

遼官制分北南院曰北面南  
西北面主官帳部族屬國之

政南面主漢人州樞密使蕭惠曰宋人西征有年師  
跡租賦軍馬之政

老民疲陛下親帥六軍臨之其勝必矣北院樞密使

蕭孝穆曰我先朝與宋和好無罪伐之其曲在我況

勝未可逆料願熟察之契丹主從惠言遣南院宣徽

使蕭持默

國舅大父房之後  
舊作蕭持未今改

翰林學士劉六符

河間人唐

節度使  
坪之後

來致書取故地及問興師伐夏并沿邊疏濬

水澤增益兵戍之故持默至呂夷簡奏弼為接伴使

與中使迎勞之持默托疾不拜弼曰吾嘗使北病卧

弼為接伴使能  
令持默變然起  
敬且盡得其隱  
情小試之而已  
效散聘之選誠  
無出其右者處

簡之薦為得人  
于國事自有裨  
益史稱夷簡不  
悅弼因薦之而  
歐陽修為之乞  
召是徒以弼之  
夷簡為要而置  
使命之得人與  
否于不論豈直  
忠于國家之見  
我

車中聞命輒起今中使至而子不拜何也特默等矍  
然起拜弼開懷與語特默感說亦不復隱其情密以  
其主所欲得者告且曰可從從之不然以一事塞之  
弼具以聞帝惟許增歲幣或以宗室女嫁其子且命  
夷簡擇報聘者夷簡不悅弼因薦之集賢校理歐陽  
修引顏真卿使李希烈事請留之不報弼得命即入  
對叩頭曰主憂臣辱臣不敢愛其死帝為動色進弼樞  
密直學士弼辭曰國家有急義不憚勞柰何遂以官

爵賂之遂往

五月以大名府為北京

契丹聚兵幽薊聲言南下朝議請城洛陽呂夷簡曰

此子囊城郢計也

事見左傳

使契丹得渡河雖高城深地

何可恃耶我聞契丹畏壯侮怯景德之役非乘輿濟河則未易服也宜建都大名示將親征以伐其謀帝從之建大名為北京即真宗駐蹕之所城焉識者疑之



六月以王德用判定州

以契丹兵壓境詔德用判定蕪州三路都部署德用  
時教士卒習戰頃之士勇皆可用契丹遣人來覘或  
請捕之德用曰彼得其實以告是服人之兵以不戰  
也明日大閱于郊下令具糗糧聽吾鼓視吾旗所向  
覘者歸告虜中謂漢兵將大至和議益決

秋七月以呂夷簡章得象兼樞密使

初富弼建議宰相兼樞密使帝曰軍國之務當悉歸

中書樞密非古官然未欲遽廢故止令中書同議樞密院事及是知諫院張方平請廢樞密院帝乃追用弼議命夷簡得象判樞密議者以判名太重夷簡亦不敢當遂改兼樞密使

富弼還復如契丹

弼至契丹見契丹主言曰兩朝人主父子繼好垂四十年一旦求割地何也契丹主曰南朝違約塞鴈門增塘水治城隍籍民兵將以何為羣臣請舉兵而南

吾謂不若遣使求地求而不獲舉兵未晚弼曰北朝  
忘章聖皇帝之大德乎澶淵之役苟從諸將言北兵  
無得脫者且北朝與中國通好則人主享其利而臣  
下無所獲若用兵則利歸臣下而人主受其禍故勸  
用兵者皆為身謀爾契丹主驚曰何謂也弼曰晉高  
祖欺天叛君末帝昏亂土宇狹小上下離叛故契丹  
全師獨克然擄獲金帛充牣諸臣之家而壯士健馬  
物故大半今中國提封萬里精兵百萬法令修明上

下一心北朝欲用兵能保其必勝乎就使其勝所亡  
士馬羣臣當之歟抑人主當之歟若通好不絕歲幣  
盡歸人主羣臣何利焉契丹主大悟首肯者久之弼  
又曰塞鴈門者備元昊也塘水始于何承矩事在通  
好前城隍皆修舊民兵亦補闕非違約也契丹主曰  
微卿言吾不知其詳雖然吾祖宗故地當見還也弼  
曰晉以盧龍賂契丹周世宗復取關南地皆異代事  
若各求地豈北朝之利哉既退劉六符曰吾主恥受

金幣堅欲十縣何如弼曰本朝皇帝常言為祖宗守國豈敢妄以土地與人北朝所欲不過租賦爾朕不忍多殺兩朝赤子故屈已增幣以代之若必欲得地是志在敗盟假此為辭爾澶淵之盟天地鬼神實臨之北朝首發兵端過不在我天地鬼神其可欺乎六符謂其介曰南朝皇帝存心如此大善當共奏使兩主意通明日契丹主召弼同獵引弼馬自近謂曰得地則歡好可久弼反覆陳其不可狀且言北朝既以

弼使命北朝乃  
遠圖重計所係

得地為榮南朝必以失地為辱兄弟之國豈可一榮  
一辱哉獵罷六符曰吾主聞公榮辱之言意甚感悟  
今惟有結婚可議爾弼曰結婚易生嫌隙本朝長公  
主出降齎送不過十萬緡豈若歲幣無窮之利哉契  
丹主諭弼使還曰侯卿再至當擇一事受之卿其遂  
以誓書來弼還具以白帝帝復使弼持和親增幣二  
議及誓書往契丹且命受口傳之詞于政府既行次  
樂壽副使張茂實曰吾為使而不見國書脫書詞

設書詞與口傳  
異其為害于使  
臣者尚小而貽  
誤于國事者實  
大幸而獨中途  
啟視得以不廢  
和議否則債事  
失政府承襲制  
書豈容或有訛  
舛即過出無心  
尚且不可況意  
存傾陷挾私嫌  
以欺公事乎獨  
怪仁宗遣使外  
邦國書既全不  
寓目及弼馳還

與口傳異吾事敗矣啟視果不同馳還都以脯時入  
見曰政府故為此以陷臣臣死不足惜如國事何帝  
以問晏殊殊曰呂夷簡決不為此誠恐誤爾弼曰晏  
殊姦邪黨夷簡以欺陛下遂易書而行

### 九月暨契丹平

弼至契丹不復議婚專欲增幣且曰南朝既增我歲  
幣其遺我之辭當曰獻弼曰南朝為兄豈有兄獻于  
弟乎契丹主曰然則為納字弼曰亦不可契丹主曰

入奏又任晏殊  
使詞掩飾不加  
定語當時政治  
尚可問耶

南朝既以厚幣遺我是懼我矣于一字何有若我擁  
兵而南得無悔乎弼曰本朝兼愛南北之民故屈已  
增幣何名為懼或不得已而用兵則當以曲直為勝  
負非使臣之所知也契丹主曰卿勿固執古有之矣  
弼曰自古惟唐高祖借兵突厥當時贈遺或稱獻納  
然後頡利為太宗所擒豈復有此禮哉聲色俱厲契  
丹主知不可奪乃曰吾當自遣人議之乃留增幣誓  
書而使其北院樞密副使耶律仁先

字濟蘭益  
人房之後

及劉



貢獻義同納亦  
貢獻之謂富獨  
爭執再三稍有  
丈夫氣而此時  
宰相畏懦務為  
苟安仁深又急  
圖了事遂至名  
實俱虧積弱之  
勢既成益見其  
慷慨不振誠可  
笑耳

六符持誓書與弼偕來且議獻納二字弼至入對曰

二字臣以死拒之敵氣折矣可勿許也帝用晏殊議

竟以納字許之于是歲增銀絹各十萬匹兩送至白

溝仍遣知制誥梁適

字仲賢東平人

持誓書與仁先如契丹

報之契丹亦遣使再致誓書來報撤兵自是通好如

故

按濟南舊作  
紇鄰今改

閏月元昊寇鎮戎軍副總管葛懷敏

真定人

會兵禦之敗

死元昊遂大掠渭州

元昊入寇攻鎮戎軍先是知延州龐籍言夏境隴食

稼且旱元昊思納款詔命知保安軍劉拯諭元昊親

信野利綱哩拉

即野利旺榮舊作剛浪陵今改

雅奇

舊作遇乞今改

兄弟

令內附即畀西平爵土綱哩拉令拉默特

舊作浪埋今改

薩勒奇

舊作賞瑪尼

舊作媚娘今改

三人詣种世衡乞降

世衡知其詐曰與其

殺之不若因以為間留使監稅出入騎從甚寵

又遣其教練使李文貴至青

澗報种世衡言用兵以來資用困乏人情便于和世

衡以白籍籍曰此詐也乃屯兵青澗留文貴不遣至

是元昊果大入王沿使葛懷敏督諸砦兵禦之分諸

將為四路趨定川砦

在固原州西北

賊毀橋斷其歸路四面

圍之懷敏突圍走由是大潰懷敏馳至長城

在固原州西北

與隆德縣接界秦時故址也

濠路已斷遂及將校十四人死焉餘

軍馬皆為敵所得元昊乘勝直抵渭州焚蕩廬舍屠

掠民畜自涇邠以東皆閉壘自守范仲淹自將慶州

蕃漢兵援之元昊乃還

議者欲以金繒啖契丹使攻元昊命御史中丞賈昌朝往

使昌朝力辭使命且上疏曰太祖收方鎮之權以為萬世利及太宗時將帥率多舊人猶能使威靈所向

有功近歲因西羌之叛驟擇將領而士不練習以屢易之將馭不練之士故戰則必敗此削方鎮太過之弊也況今武臣多親舊恩倖出卽為將素不知兵一旦付與千萬人之命是驅之死地矣此用親舊恩倖之弊也請自今方鎮守臣無數更易刺史以上宜慎所授以待有功且命將之時去疑貳推恩惠務責以大效使一切便宜從事庶得馭將之道帝嘉納之

冬十一月以韓琦范仲淹龐籍為陝西安撫經畧招討使

初翰林學士王堯臣

字伯庸  
虞城人

體量安撫陝西歸上疏

論兵因言韓琦范仲淹皆忠義智勇不當置之散地及葛懷敏敗死中外震懼帝思堯臣之言時已命文

彥博經畧涇原帝以涇原傷夷欲對徙仲淹使王懷

德

繼忠子

諭之仲淹附奏乞與韓琦同經畧涇原並駐

涇州琦兼秦鳳臣兼環慶涇原有警臣與琦合秦鳳

環慶之兵犄角而進若秦鳳環慶有警亦可率涇原

之師為援臣當與琦練兵選將漸復橫山以斷賊臂

不數年間可期平定願詔龐籍兼領環慶以成首尾

之勢秦州委文彥博慶州用滕宗諒總之渭州一武

臣足矣帝采用其策乃復置陝西路經畧安撫招討

使總四路之事置府涇州益屯兵三萬以琦仲淹籍  
分領之復以堯臣為體量安撫使徙彥博帥秦宗諒  
帥慶張亢帥渭州堯臣復言琦等既為總使則四路  
當稟節制不當復帶使名各置司行事使所稟不一

于是諸路並罷經畧使

琦與仲淹在兵間久名重一時人心歸之朝廷倚以為重

二人號令嚴明愛撫士卒諸羌來者推誠撫接咸感恩畏威不敢叛犯邊境邊人為之強曰軍中有一韓西賊聞之心膽寒軍中有一范西賊聞之驚破膽

徵處士孫復

字明復晉州平陽人

為國子監直講

復舉進士不第退居泰山著春秋尊王發微十二篇  
國子直講石介嘗師事之語人曰孫先生非隱者也  
于是范仲淹富弼皆言復有經術宜在朝廷故召用  
之

以富弼為翰林學士辭不拜

弼始受命使契丹聞一女卒再往聞一男生皆不顧  
得家書未嘗發輒焚之曰徒亂人意于是帝復申樞  
密直學士之命弼辭又除翰林學士弼懇辭曰增歲

幣非臣本意特以方討元昊未暇與角故不敢以死  
爭安敢受賞乎

三年春正月元昊上書請和

元昊雖數勝然死亡創夷相半人困黠集財力不給  
國中為十不如之強以怨之种世衡又以計遣王嵩

本傳人王光信世衡奏

遺書間大將野利綱哩拉雅奇

補三班借職更名嵩

兄弟至皆得罪

綱哩拉雅奇皆有才謀號大王親  
信用事世衡謀間之乃為蠟書遺嵩遺

綱哩拉言朝廷知王有向漢心已授夏州節度并以  
素綴畫龜喻其早歸之意綱哩拉得書笑曰种使



君長笑何為此兒戲乃執嵩以書自詣元昊上之元昊果  
疑細哩拉不令歸而錮嵩牢中遣人詐為細哩拉使使世  
衡知其為元昊所遣故為款語厚遣之使還元昊出嵩牢  
中而細哩拉已報死矣世衡知其謀已行復為文以祭細  
哩拉悼其兄弟有意本朝垂成而失之境元昊既失二將  
上夏人得以獻元昊惟奇以此并獲罪

久之知為世衡所賣遂定講和之策時帝亦以西鄙用  
兵日久心厭之會契丹使言元昊欲歸款乃密詔龐籍  
招納之籍遣李文貴還以通意元昊聞之大喜厚禮王嵩

使與文貴以書乃至延州議和

續剛目作文貴以細哩拉書議和考宋史种世

衡傳元昊得王嵩書遣李文貴以細哩拉音報世衡而夏國傳文貴于元昊未寇鎮戎之前已為龐籍所留二

傳前後矛盾續綱目採錄殊  
混今依宋元通鑑本改輯  
然猶倔彊不肯削僭號且

云如日方中止可順天西行安可逆天東下籍以其言  
未服乃令自請而詔籍復書許之元昊知朝廷許和有

緒乃遣其六宅使賀從勗與文貴至延州上書自稱男

邦泥鼎國烏珠

舊作泥定國  
元卒今改

上書父大宋皇帝更名曩

霄而不稱臣

烏珠譯為吾  
祖如可汗號

籍言名體未正不敢以聞從

勗曰子事父猶臣事君也若得至京師天子不許更歸

議之籍送使者闕下因陳便宜言羌久不通和市國人愁

元昊稱男而不  
稱臣其不肯服  
事之心迹已露  
龐籍奉命議和  
即當執名分大  
義為之問事如  
其不悟則移兵  
致討以伸國威  
可耳至九年乃

由良之辱與否  
祖子義子無謂  
涉顧彼內地地  
音與之爭較非  
推為西賊所哂  
實胎千古笑端  
其後富弼所論  
最為得體蔡襄  
獨不免泥于庸  
俗之見也

怨今辭理浸順必有改事中國之心特遣使諭之

二月立四門學

三月以呂夷簡為司徒同議軍國大事

先是夷簡感風眩詔拜司空平章軍國大事疾稍愈

命數日一至中書裁決可否夷簡力辭帝降手詔曰

古謂髭可療疾今剪以賜卿至是帝御延和殿召見

軟乘馬至殿門命內侍取兀子

坐具有侍曰與也

前夷簡辭避久之詔給扶母拜乃罷相改授司徒

同議軍國大事

以晏殊同平章事兼樞密使賈昌朝參知政事富弼為  
樞密副使弼固辭不拜

弼見帝言契丹既結好議者便謂無事萬一敗盟臣  
死且有罪願陛下思其輕侮之恥坐薪嘗膽不忘修  
政且收臣新命使天下知使臣不受賞和好未可保  
其于守備決不敢懈帝察其意堅改受資政殿學士  
召夏竦為樞密使

上以歐陽修王素

字仲儀  
旦子

蔡襄知諫院余靖為右正言

增置諫官以修等為之襄喜賢路開而慮正人難久

立乃上疏曰修等忠誠剛正必能盡言但恐邪人不

利必造為禦之之說其說不過有三曰好名好進彰

君過爾願陛下察之修每入對帝必延問執政咨所

宜行既多所張弛小人翕翕不便脩慮善人必不勝

數為帝分別言之

初范仲淹貶饒州修及尹洙余靖  
皆以直仲淹見逐羣和目之曰黨

人于是朋黨之論起修論事切直人視之如仇帝  
獨獎其敢言顧侍臣曰如歐陽修者何處得來

夏四月遣使如夏州

賀從勗至京帝用龐籍言命著作佐郎邵良佐更往

議之許封冊元昊為夏國主歲賜絹十萬匹茶三萬

斤富弼言元昊臣契丹而不臣我朝則是契丹為無

敵于天下矣須令稱臣乃許可和蔡襄亦言烏珠之

譯為吾祖特以侮慢朝廷使朝廷賜之詔而亦曰吾

祖是何等語耶不可許其請帝皆不聽良佐至夏州

元昊亦遣儒鼎伊實

舊作如定  
幸捨今改

張延壽等來議和及

歲幣

以韓琦范仲淹為樞密副使

以元昊請和故召還命知永興軍鄭戡代之富弼言  
西寇未殄亦須藉材若二人俱來或恐闕事願召一  
人使處于內一人就授副樞且令在邊表裏相濟事

無不集不聽

時元昊倚契丹邀索無厭晏殊等欲用  
兵將一切從之琦力陳其不便帝嘉納

之

夏竦至京師罷之以杜衍為樞密使

初召竦諫官歐陽修蔡襄等交章論竦在陝西畏懦不肯盡力兼之挾詐任數姦邪傾險陛下孜孜政事

首用懷詐不忠之臣何以求治中丞王拱辰

字居貺開封咸

平人亦因對極論之帝未省遽起拱辰前引裾畢其說

帝乃悟會竦已至國門言者論益力乞毋令入見右

正言余靖言竦累表引疾及聞召命即兼驛而馳若

不早決竦必堅求面對叙恩感泣復有左右為之地

者則聖聽惑矣章累上即日詔竦歸鎮拜杜衍為樞



密使竦亦自請還節鉞徙知亳州竦至毫上書萬言

自辨乃徙判并州

蔡襄言于帝曰陛下罷竦而用琦仲淹士大夫賀于朝庶民歌于路

至飲酒叫號以為歡且退一邪進一賢豈能闔天下  
輕重哉蓋一邪退則其類退一賢進則其類進衆邪  
並退衆賢並進海內有不泰乎雖然巨竊憂之天下  
之勢譬猶病者陛下既得良醫矣信任不疑非徒愈  
病而又壽民醫雖良術不能盡用則病且日深雖有  
和扁難責效矣國子監直講石介篤學尚志樂善嫉  
惡喜聲名遇事奮然敢為會呂夷簡罷相章得象晏  
殊賈昌朝韓琦范仲淹富弼同時執政而歐陽修蔡  
襄王素余靖並為諫官夏竦既拜復奪之以衍代因  
大喜曰此盛事也歌頌吾職其可已乎作慶歷聖德  
詩有曰衆賢之進如茅斯拔大姦之去如距斯脫其  
言大姦蓋斥竦也詩且出孫復聞之曰介禍始于此

矣范仲淹亦謂韓琦曰  
為此鬼怪輩壞事也

自正月不雨至于是月帝禱于西太乙宮是日雨

京師久旱遣使祠禱嶽瀆羣臣請帝親禱于郊帝曰  
太史言月二日當雨今將以旦日出禱王素曰臣非  
太史然度是日必不雨帝問其故素對曰陛下知其  
且雨而禱之應天不以誠故也帝竦然詔明日詣西  
太乙宮諫官故不在屬車間時命素扈從日甚熾埃  
氛翳空比車駕還未薄城天大雷電而雨

呂夷簡罷

先是陝西轉運使孫沔上書言自夷簡當國黜忠言  
廢直道以姑息為安以避諍為智柔而易制者升為  
心腹姦而可使者保為羽翼是張禹不獨生于漢而  
李林甫復見于今也書上帝不之罪夷簡見書謂人  
曰元規藥石之言但恨聞此遲十年爾至是蔡襄復  
言夷簡被病以來兩府大臣並笏受事于門貪尚權  
勢雖病猶不知止乃罷同議軍國大事未幾以太尉

致仕

五月丁卯朔日食

秋七月王舉正罷八月范仲淹參知政事富弼為樞密副使

歐陽修余靖論舉正懦默不任事范仲淹有相才請罷王舉正而用范仲淹庶容嘿持祿者無所倖而忠直幹事者有所勸帝然之舉正遂罷拜仲淹參知政事仲淹曰執政可由諫官而得乎固辭不拜願與韓

琦出行邊命為陝西宣撫使未行復除參知政事同  
日復以樞副命弼弼猶固辭帝命宰相諭曰此朝廷  
特用非以使邊故也時元昊使辭帝至紫宸殿俟弼  
綴樞密班乃坐弼不得已受命帝方銳意太平責成  
輔相令弼主北事仲淹主西事

仲淹語人曰上用我  
至矣事有先後久安

之弊非朝夕可革也帝再賜手詔又為之開天章閣  
召輔臣條對仲淹退而上十事曰明黜陟抑僥倖精  
貢舉擇長官均公田厚農桑修武備推恩信重令  
減徭役悉采而用之宜著令者皆以詔書畫一頒下  
惟府兵法象以為不可而止弼上當世之務十餘條  
及安邊十三策大約以進賢退不肖止僥倖去宿弊

欲漸易監司之不才者使澄汰  
所部吏于是小人始不悅矣

以韓琦為陝西宣撫使

時二府合班奏事琦必盡言雖事屬中書亦指陳其  
實同列或不悅帝獨識之曰韓琦性直琦嘗條所宜

先行者七事

曰清政本念邊計擢材器備  
河北固河東收民心營洛邑

繼又陳救

弊八事

曰選將帥明按察豐財利遏僥倖  
進能吏退不才謹八官去冗食

謂數者之

舉謗必隨之願委計輔臣聽其注指帝嘉納之遂命

宣撫陝西琦討平羣盜張海郭邈山等汰禁卒羸老

朱墨標識賢否  
瞭然其于考核  
誠便然亦按察  
之人果皆廉明  
稱職方無枉拘  
否則倒置混淆  
其弊更有不可  
究詰者且以歲  
計上聞一年之  
中安保公廉者

不任用者修廊延城障賑河中同華諸州饑民所活

百餘萬人

冬十月以張昱之

字景山  
秘之子

王素等為都轉運按察使

先是知諫院歐陽修言天下官吏既多朝廷無由遍  
知乞立按察之法于內外朝官三丞郎官中選強幹

廉明者為之使至州縣遍見官吏其公廉無狀皆以

朱書于名之下其中材之人以墨書之歲具以聞詔

從之富弼范仲淹復請詔中書樞密通選逐路轉運

之必不改紹易  
轍而中材者之  
必無奮勉自效  
者早至逐路遞  
擇州縣進退自  
由久之將啟堂  
接阿附之習尤  
非良法

按察使即委使自擇知州知州擇知縣不任事者皆

罷之于是显之等首被茲選显之河北王素淮南沈

邈

字子山信州弋陽人

京東施昌言

字正臣通州靜海人

河東李絢

字公素邠

州依京西

范仲淹之選監司也取班簿視不才者一筆勾之弼曰一筆勾之甚易馬知一家哭

矣仲淹曰一家哭何如一路哭耶遂悉罷之

### 更定磨勘法

初太祖以舊制文武常參官各以曹務閑劇為月限  
考滿即選非循名責實之道乃罷之淳化中置審官



院事具前

復序進之制其後立法文臣五年武臣七年

無贓私罪始得遷秩曾犯贓罪則文臣七年武臣十

年中書樞密取旨其七階選人

宋史選舉志選人官  
七等一日留守節察

判官二日節察掌書記支使防團判官三日軍事判

官留守節察推官四日防團軍事推官軍監判官五

日縣令錄事參軍六日試銜縣令知錄事

以考第資

七日軍巡判官司理司戶司法參軍等尉

歷無過犯或有勞績者遞遷謂之循資至是用范仲

淹言定磨勘保任之法自朝官至郎中少卿須清望

官五人保任始得遷

朝官三年無私罪而有貳司及  
清望官五人為保任遷員外郎

三載考績朝廷  
敬揚大綱自當  
過核其才品及  
三年中之賢賈

若何以定黜陟  
若視保任為權  
衡時泥一時之  
毀譽安見清望  
官之必可盡信  
乎元瑜所云使  
長奔競而非卷  
廉恥誠為確論  
政體自有常經  
不在多立科條  
也

舉者數不足增二年選郎中少卿  
監亦如之連太卿監諫議悉聽旨  
其法始密于舊矣  
後知諫院劉元瑜以為徒長奔競非所以  
養廉恥羅之劉元瑜字君玉河南人

十一月更立蔭子法

太祖初立任子之法臺省六品諸司五品登朝嘗歷  
兩任然後得請太宗即位諸州進奏者授以試銜及

三班職尋特定選人七等

即上七階

凡誕聖節及三年南

郊皆聽奏一人而特恩不預焉由是奏薦之恩寢廣  
至是范仲淹富弼始裁省奏補入仕之路罷聖節奏

蔭恩凡長子不限年諸子孫必年過十五弟姪年過十二乃得蔭由是任子之恩殺矣

十二月河北雨赤雪河東地震

諫官孫甫

字之翰許州陽翟人

上疏言赤雪者赤青也人君舒

緩之應地震者陰盛也陰之象為臣為後宮為小人盛則陰變而動矣天地災變固無虛應陛下救舒緩之失莫若自主威福時出英斷以懾姦邪救陰盛之變莫若外修德政內制後宮此應天之實也

甲四年春正月帝復御經筵

自元昊反罷進講崇政殿說書趙師民

字周翰臨淄人

言帝

王治經與品庶異不獨玩空文占古語也今方外小

有事臣等即不復進見是以為先王遺籍可以講無

事之朝不足贊有為之世臣愚以為過矣又獻勸講

歲帝嘉納之于是復命曾公亮

字仲明泉州晉江人

等講讀經

史嘗謂公亮等曰卿等宿儒博學多所發明朕雖盛

暑亦未嘗倦但恐卿等勞爾

稽說書以布進  
見不知崇政一  
御其為論思納  
諫幾何回不若  
每日延見羣臣  
諮詢得失之賢  
有裨益也故明  
季李詩御經筵

者連章累牘及至接見又復無所建白則又效尤師民而還成習矣

荆王元儼

太宗第八子卒

元儼廣穎豐頤嚴毅不可犯天下崇憚之名聞外夷呼為八大王遼人入使必問王安及所在莊獻臨朝自以屬尊望重恐為太后所忌深自沉晦既有疾帝親視之屏人與語所對皆忠言至是卒

育司以年歲不利財用方

因請緩葬期范仲淹言荆王太宗愛子真宗愛弟屢被譏或陛下仁聖力能保全豈忍送葬之際惜財用而廢典禮請賜內藏庫金帛備葬事帝從之

三月詔天下州縣立學行科舉新法

時范仲淹意欲復古勸學數言興學校本行實詔近  
臣議于是宋祁等奏教不本于學校士不察于鄉里  
則不能覈名實有司束以聲病學者專于記誦則不  
足盡人材今莫若教士于學校然後州縣察其履行  
則學者修飭矣先策論則文詞者留心于治亂矣簡  
程式則閎博者得以馳騁問大義則執經者不專于  
記誦帝從之乃詔天下州縣皆立學本道使者選部  
屬官為教授員不足取于鄉里宿學有道業者士須

在學三百日乃聽預秋試舊嘗充試者百日而止試  
于州者令相保任有匿服犯刑虧行冒名等禁三場  
先策次論次詩賦通考為去取而罷帖經墨義士通  
經術願對大義者試十道

宜州

唐置今廣西慶遠府是

蠻區希範

思恩人

作亂詔廣西鈐轄

宋諸

路置總管鈐轄司掌軍馬守禦事重臣則加都守

討之

希範嘗舉進士後與其叔正辭應募討安化州

本撫水州

祥符中改名故城在今慶遠府思恩縣

叛蠻自言其功求錄用知宜州

馮伸已

字齊賢  
極之子

以為妄編管全州

五季馬氏置  
今屬桂林府

希範

遁歸與正辭舉其族作亂推白崖山

即崖山本唐縣  
宋廢為蠻獠所

據

酋蒙趕為帝偽立名號破環州

宋霸廉州故城  
在今思恩縣

及

鎮寧州

亦宋霸廉州  
在今思恩縣

宜州捉賊

宋巡檢司有  
捉賊巡檢

李德用

擊卻之

明年轉運使杜杞誘趕等擒之得希範  
醢以賜諸蠻 杜杞字偉長錫之子

夏四月作太學五月帝謁孔子

詔以錫慶院為太學置內舍生二百人講殿既備帝  
謁孔子故事止肅揖帝特再拜賜直講孫復五品服



初胡瑗為湖州教授訓人有法科條纖悉備具以身  
率先雖盛暑必公服坐堂上嚴師弟子之禮從之遊  
者常數百人時方尚詞賦湖學獨立經義治事齋以  
敦實學及興太學詔下湖州取其法著為令式  
元昊復遣使來上表

元昊遣使上誓表言兩失和好遂厯七年立誓自今  
願藏盟府凡歲賜銀綺絹茶二十五萬五千乞與常  
數臣不復以他相干乞頒誓詔蓋欲世世遵守永以

為好儻君親之義不存或臣子之心渝變當使宗祀

不永子孫罹殃帝遣使賜元昊詔曰俯閱來誓一皆

如約

時韓琦自陝西還與范仲淹並對言為今之策當以和好為權宜戰守為實務因畫和守戰三

都城萬國具瞻承平時亦宜繕完以壯金湯之勢若等禦寇而議修葺無改張皇野度示弱誠使款果深入臨城則大局已潰區區樓櫓之利尚足恃乎時與

策又言北戎久強今乘元昊議和共勢愈重苟不大為之備禍未可量夫京師坦而無備若北戎一朝猶兵深入必從河朔重兵與之力戰彼戰勝則直趨澶淵若京城堅固成河朔之兵勿與戰彼不得戰欲深入則前有堅城後有重兵必沮而自退退而邀之擊之皆可也故修京師非徒禦寇誠以伐深入之謀諫官余靖言王者守在四夷今無故而修京城是舍天下之大而為嬰城自守之計遂不果行

# 六月開寶寺塔火

仲淹之遠慮自  
不若余靖數言  
之中竅也

余靖上疏言五行之占本是災變宜戒懼以答天意  
而聞有詔取舊瘞舍利入禁中竊恐巧佞之人推為  
靈異再圖營造廣事浮費以奉佛求福非天下所望  
也且一塔不能自衛為火所燬况藉其福以庇于民哉  
以范仲淹為陝西河東宣撫使

初仲淹以忤呂夷簡放逐者數年及陝西用兵帝以  
其士望所屬拔用護邊及夷簡罷召還倚以為治中  
外想望其功業仲淹亦以天下為己任與富弼日夜

謀慮興致太平然更張無漸規模濶大論者籍籍及  
按察使出多所舉勘衆心不悅任子之恩薄磨勘之  
法密僥倖者不便由是謗毀稍行先是石介奏記于  
弼責以行伊周之事夏竦怨介又欲因以傾弼等乃  
使女奴陰習介書久之習成遂改伊周曰伊霍且偽  
作介為弼撰廢立詔草飛語上聞帝雖不信而弼與  
仲淹恐懼不自安適聞契丹伐夏遂請行邊

京師旱蝗

上謂輔臣曰方歲旱而飛蝗百姓何罪罹此默禱上帝願歸咎朕躬余靖等言災異之來實由人事闕失今陛下既有引過之言達于天地神祇伏乞必踐其言必行其實專聽斷攬威權號令信于人恩澤及于下則災異消和氣應矣

### 契丹初修國史

命耶律古裕

大院部人舊作谷欲今改

耶律庶成

季父房之後

等充史

官

秋七月大封宗室

先是富弼言北人率以近親為名王將相以治國事  
掌兵柄今歲荆王之薨識者憂之臣願陛下擇宗室  
中賢者數人封之內以藩屏王室外以威示四夷帝

用其謀同時封王公者凡十人

秦王廷美子德文為  
東平王潤王元份子

允諫為汝南王燕王德昭孫從藹為潁國公岐王德  
芳孫從照為安國公又有德昭孫守異與從藹同封

餘無考

潤王

即商王改封

契丹來告伐夏八月遣右正言余靖報之

契丹與宋久睦  
和議元昊則宋

之殿臣是宗子  
遼當以誠信相  
孚于夏新撫修  
好之理况遼因  
党項叛降欲加  
兵于夏情事而  
無可說而藉北  
邊以討西夏幸  
其成則可坐收  
弭敵之利即或  
不然亦可使兩  
國構怨以杜其  
緣附之萌如此  
機會豈可易得  
乃將移不定遂  
至元昊降附契

先是元昊侵党項党項諸部皆叛契丹降夏契丹伐党  
項夏人救之至是契丹主徵諸道兵將討元昊乃遣  
使來告曰請為中國討賊慎無與和也時朝廷欲加  
元昊封冊而契丹之使適至帝疑契丹與元昊同謀  
見欺召羣臣議之富弼言契丹實有怨于元昊耳保  
無他也余靖言契丹挾詐不可輕許乃命靖致贐禮  
且覘其誠否而留夏國封冊不發

以富弼為河北宣撫使

丹勢甚夥終而不可制亦失算之甚矣

從弼請也弼及范仲淹既去石介不自安亦請外得  
濮州通判

九月許公呂夷簡卒

諡文靖

莊獻太后臨朝十餘年間天下晏然夷簡之力為多  
及西夏用師契丹求地夷簡選將命使二邊以寧獨

建募萬勝軍

禁軍也度厯元年五月凡二十營

加契丹歲幣大為後日

之患又成郭后之廢逐孔道輔范仲淹于外時論少  
之然所斥士旋復收用亦不終廢具于天下事屈伸



舒卷動有操術故當國最久雖數為言者所詆而帝眷倚不衰

晏殊罷

殊平居好賢及為相務進人材擢歐陽修為諫官既而苦其論事煩數或面折之至是修出為河北都轉運使諫官秦留殊獨不許孫復蔡襄因上言殊為李宸妃碑不言生帝又役官兵治僦舍以規利乃降授工部書尚出知潁州

以杜衍同平章事兼樞密使賈昌朝為樞密使陳執中  
參知政事

衍務裁僥倖每有內降率寢格不行積詔旨至十數  
輒納帝前帝嘗語歐陽修曰外人知杜衍封還內降  
邪凡有求于朕每以衍不可告之而止者多于所還  
也執中自知青州召還諫官蔡襄孫甫等爭言執中  
剛愎不學若任以政天下不幸帝不聽諫官論不止  
乃命中使齎勅告即青州賜之明日諫官上殿帝作

色迎謂之曰豈非論陳執中耶朕已召之矣乃不敢言

契丹伐夏冬十月夏人誘而敗之契丹及夏平

契丹主親將騎兵十萬出金肅城

遼西京有金肅州故城在今鄂爾多

斯左翼廢勝州東北

遣弟重元出南路樞密使蕭惠出北路三

路濟河入夏境不見敵據德勝寺南壁以待惠與元

昊戰于賀蘭山北敗之元昊見契丹兵盛乃請和退

師十里請收叛黨以獻且進方物契丹主遣樞密副

使蕭草

宇和斯濟勒國舅  
房林牙華善之子

詰其納叛背盟之故元昊

以未得成言又退師三十里以候凡三退將百里每

退必赅其地契丹馬無所食因許和元昊乃遷延以

老之度其馬饑士疲因縱兵急攻惠營敗之乘勝攻

南壁契丹主大敗從數騎走得免已而元昊遣使歸

其先所俘獲丹主亦遣所留夏使還之遂引兵還

和斯

濟勒舊作胡奚董華

善舊作和尚今改

十一月契丹以雲州為西京

契丹建西京于雲州號大同府于是契丹境內凡五

京

上京中京東京南京西京

六府

上京曰臨潢東京曰遼陽中京曰大定南京曰析津西京

曰大同

考遼史興中府

州軍城百五十六

考遼史地理志序遼

即慕容氏龍城注見前

有京五府六州軍城百五十有六續綱目誤作縣二

五京六州軍城百五十六今改正并注明六府

百九部族五千屬國六十東至于海西至金山

注見前

暨于流沙北至臚朐河

今名克臚倫和源出喀爾喀肯特山流亘大漠之北下流

與黑龍

南至白溝幅員萬里

江合

十二月冊元昊為夏國主

余靖使還知契丹已與夏和帝乃遣尚書員外郎張子奭充冊禮使冊元昊為夏國主仍賜對衣黃金帶銀鞍勒馬銀二萬兩絹二萬疋茶三萬斤約稱臣奉正朔改所賜勅書為詔而不名許自置官屬然元昊帝其國中自若也

知環州种世衡卒

世衡善撫士卒得人死力在邊數年積穀通貨所至不煩州縣官益兵增饋而武功自振夏我不敢以環

為意及卒青澗及環人皆畫像祠之

乙酉五年春正月罷杜衍范仲淹富弼以賈昌朝同平章事兼樞密使宋庠參知政事王貽永為樞密使吳育龐籍為副使

仲淹弼既出宣撫攻者益衆二人在朝所為亦稍沮止衍獨左右之衍好薦引賢士而抑僥倖羣小咸怨衍壻蘇舜欽能文章論議稍侵權貴時監進奏院用鬻故紙錢祠神以妓樂娛賓集賢校理王益柔

字勝之曙

之于席上戲作傲歌御史中丞王拱辰聞之以二人

皆仲淹所薦而舜欽又衍壻欲因是傾衍及仲淹乃

諷御史魚周詢

字裕之雍邱人

劉元瑜舉劾其事拱辰及張

方平列狀請誅益柔章得象無所可否賈昌朝陰主

之韓琦言于帝曰益柔狂語何足深計方平等皆陞

下近臣今西陲用兵大事何限俱不為陛下論列而

同狀攻一王益柔此其意可見矣帝感悟乃止黜益

柔監復州

注見前

酒稅而除舜欽名同席被斥者十餘



廖公厚欽又以  
與不與為深厚  
當日所謂名士  
本堪惜都且挾  
妓歌飲為然問  
給之外尤不為  
無罪特拱辰輩  
之勤治徒藉以  
快私忿而林崇  
大臣並非為名  
教官踰越見實  
為君子所然且

人時同片者右班殿直劉巽判尚書刑部江休復在  
名中而辭不往者何中立欲與會而以任子瞻斥之

者李定與欽之年中立與定所為也餘無攷江休  
復字鄒幾陳留人何中立字公南許州人李定字仲

求洪州人皆知名之士拱辰喜曰吾一舉網盡矣舜  
晏殊之甥

欽既得罪舜欽被廢居蘇州買水石作滄浪亭以自適後遷湖州長史卒行不自安

求去不許會諫官錢明逸字子飛故吳越王侔之孫論仲淹弼更

張綱紀紛擾國經凡所推薦多挾朋黨陳執中復譖

行底二人帝不悅遂并黜之衍罷知兗州仲淹知鄆

州仲淹以疾求解弼知鄆州衍清介有大節其去也

君子惜之

三月罷樞密副使韓琦

范仲淹富弼罷去琦不能獨居上疏辨析且言近日

臣僚多務攻擊忠良取快私忿不報初陝西四路總

管鄭戩遣靜邊砦

在今延安府保安縣西南

主劉滄

字子瀟涿州人

著作

佐郎董士廉

常山人

城水洛

注見前

以通秦渭援兵知渭

州尹洙以為前此屢困于賊者正由城砦多而兵勢

分也今又益城不可矣罷其役會戩罷而滄等督役

水洛之役既由  
去罷劉滄故遺  
成命罰所宜加  
尹洙諫勸其罷  
而滄之以法誰  
符諫其非者乃

率意徑行不復  
稟承中旨遂用  
代之概之誠不  
免涉于專擅滬  
固失之洙亦未  
為得也乃朝議  
意存左袒竟釋  
范而徙洙又遂  
所以昭平允

如故洙不平以張忠

考宋史同時有兩張忠俱開封人一字聖毗歷官齊魯瀋三州

團練卒一不著其字曾為陝西總管指揮使

代之滬

不受代洙乃諭裨將狄青往械滬及士廉下吏而罷

水洛之役戡論奏不已琦是洙而朝議右戡竟徙洙

知慶州釋滬等獄而復城水洛琦乃請外遂出知揚

州河東轉運使歐陽修上疏曰杜衍范仲淹韓琦富弼天下皆知其有可用之賢而不聞其有可罷之

罪自古小人終害其識不遠欲廣陷良善則指為朋黨欲動搖大臣則誣以專權蓋去一善人而衆善人

尚在則未為小人之利欲盡去之則善人少過惟指為朋黨則可盡逐自古大臣被主知蒙信任則難以

他事動搖惟有專權是上之所惡方可傾之夫正士  
在朝羣邪所忌謀臣不用敵國之福也竊為陛下惜  
之羣邪並忌修因得致修罪左遷知滁州洙博學有  
識度以為自唐以來文品卑弱至柳開始為古文而  
世未知宗尚乃與穆修復振起之為文簡而有法元  
昊反洙未嘗不在兵間故于西事尤為練習忌者誣  
以假用公錢坐貶未幾卒 柳開字  
仲塗大名入穆修字伯長鄆州人

## 罷科舉新法

范仲淹既去磨勘蔭子法俱罷執政以新定科舉入  
學預試為不便且言詩賦聲病易考而策論汗漫難  
知祖宗以來莫之有改且得人嘗多矣帝下其議有

司請如舊法乃詔前所更令悉罷之

夏四月丁亥朔日食

是日陰晦不見羣臣皆賀

章得象罷

得象在中書畏遠名勢宗黨親戚一切抑而不進然亦無所建明御史孫抗數論之得象乃上章求去遂出知陳州

以陳執中同平章事兼樞密使吳育參知政事丁度

字公

雅祥  
符人為樞密副使

未幾執中與賈昌朝言西夏來庭乞免兼樞密使從之

冬十月罷轉運兼按察使

十一月罷京東安撫使富弼

滁州狂人孔直溫謀反伏誅搜其家得石介書時介已死宣徽南院使夏竦怨介嘗譏已言介詐死乃弼遣介結契丹起兵期以一路兵為內應請發介棺驗

之詔下兗州訪介存亡杜衍保介必死

衍會問樞屬掌書記龔鼎

臣願以闔門證其死衍探懷出奏稿示之曰吾已保介矣龔鼎臣字輔之涇城人

提刑呂居

簡

蒙正第  
六子

亦上言無故發棺何以示後始獲免遂罷

弼安撫使貶孫復監處州稅介子孫羈管池州

丙戌六年春三月辛巳朔日食

帝謂賈昌朝等曰謫見于天願歸罪朕躬卿等宜究民疾苦思所以安利之又曰人主懼天而修德猶人臣奉法而自新也昌朝等頓首謝

夏五月京師雨雹河北河東京東同時地震

登萊州尤甚

先是青州震已而登州  
屢震海底輒有聲如雷

秋八月以吳育為樞密副使丁度參知政事

育在政府遇事敢言時知永靜軍

今河間府東光縣  
宋于此置永靜軍

何綬疑通判江中立譖已因誣以罪迫令自殺育欲

坐綬死賈昌朝不可遂爭議帝前殿中皆失色育論

辨不已曰臣所辨者職也顧力不勝願罷臣職知審

刑院高若訥附昌朝議綬竟減死一等帝以昌朝故

一宗嘗諭昌朝  
以畏法自新其  
迥惡諒已洞察  
沈素知吳育剛  
正尤當曲予保  
全乃轉徙官以  
赴昌朝是非倒  
置矣至高若訥  
附以脫何綬  
救人之罪及在  
堂端復逞私意



以究吳育喧爭  
之非甘為小人  
而不顧可恥就  
甚焉

乃命育與度易位謂近臣曰吳育剛正可用第嫉惡太過耳  
丁亥七年春二月大旱詔求直言

三月賈昌朝吳育罷

昌朝育議不協論者多不直昌朝時方憫雨昌朝引  
漢冊免三公故事乞罷御史中丞高若訥上言大臣  
喧爭為不肅故雨不時若于是昌朝出判大名育出  
知許州

以夏竦同平章事尋改授樞密使以文彥博參知政事

高若訥為樞密副使

竦制下諫官御史交章言大臣和則政事修竦前在  
關中與首相陳執中論議不合今不可使共事故改之  
帝禱于西太乙宮是日雨

帝出禱雨于太乙宮日方炎赫帝卻蓋不御及還而  
雨太浹

冬十一月貝州卒王則據城反以明鎬為河北安撫使  
初涿人王則以歲饑流至貝州自賣為人牧羊後隸

宣毅軍為小校貝冀俗尚妖幻相與習五龍滴淚等  
經及諸圖識書言釋迦佛袞謝彌勒佛當持世妖人  
爭信事之州吏張巖卜吉主其謀黨與連德齊諸州  
約以明年正旦斷澶州浮梁作亂會其黨以書謁北  
京留守賈昌朝事覺被執則故不待期亟以冬至日  
反時知州張得一方與官屬謁天慶觀則率其徒剽  
庫兵執得一囚之從通判董元亨

深州東鹿人

索庫鏞元

亨厲聲罵賊賊遂殺之又殺司理王獎節度判官李

浩等兵馬都監田斌以從卒巷戰不勝而出城扉闔

提點刑獄田京

字簡之毫州鹿邑人

等縋城出保南關入驍健

營撫士卒凡有欲應賊者京以計盡誅之由是營兵

在外者皆懾服南關得不陷

時有北京指使馬遂聞則反告留守賈昌朝請

討賊昌朝令持榜入貝州招降諭以禍福則不答遂奮起扼其喉毆之而左右無助之者遂為賊所殺事

聞贈宮苑使則僭稱東平王建國曰安陽改元得聖

馬遂開封人旗幟號令率以佛為稱城以一樓為一州書州名補

其徒為知州每面置一總管然縋城下者日衆于是

王則亂民使其乞降求生尚無可貸昌朝身為留守不能即時勦滅乃使持榜招降庸謬甚矣指使招驅賊巢質由昌朝所致賊平而反晉封公爵刑賞之公

令民伍伍為保一人緼餘悉斬事聞以知開封府明  
鎬為體量安撫使而詔貝州有能獲賊者授諸衛上  
將軍鎬至貝州民汪文慶等自城上繫書射鎬帳約  
為內應夜垂絙以引官軍入城者數百人賊覺率眾  
拒戰官軍不利乃與文慶等復絙而出

先是知制誥胡宿以登萊

地震因言必有內盜起于河朔宜為之備登萊視京師為東北少陽之位也今二州並置金坑聚民以鑿山谷陽氣損洩故陰乘而動可即禁止以寧地道至是其言始驗胡宿字武平常州晉陵人

太子太傅致仕李廸卒

誼文定

戊八年春正月以文彥博為河北宣撫使明鎬副之  
閏月執王則檻送京師誅之以文彥博同平章事

鎬以貝州城峻不可攻乃為距閫將成為賊所焚鎬  
乃即南城為地道日攻其北以牽制之朝廷以則未  
下命彥博宣撫鎬為之副夏竦惡鎬恐其成功凡鎬  
所奏輒從中沮之彥博既受命請軍事得專行許之  
彥博至貝鎬穿道適通遂選壯士夜半由地道入城  
衆登城賊縱火牛官軍以槍中牛鼻牛還攻之賊大

潰開東門遁總管王信

字公亮  
太原人

追則擒之餘衆保村

舍者皆被焚死竦復言所獲恐非真盜乃詔檻送則

京師磔于市則據城凡六十六日而敗改貝州為恩

州張得一以降賊伏誅詔以彥博同平章事加明鎬

端明殿學士封賈昌朝為安國公

侍讀學士楊偕言  
賊發昌朝部至出

大臣乃能平昌朝為  
有罪不當賞弗聽

夏元昊卒

元昊子字諒祚

小字寧令  
格今改

方期歲密藏

舊作沒  
藏今改

氏所

生也

夏國語謂歡嘉為寧令兩金河名也密藏氏從元昊出獵至此生諱祚遂名焉養於母

族鄂博

舊作訛鄂博因立之以三大將分治國

政

考東都事畧元昊凡七娶其五娶曰雅爾氏裕勒且被誅元昊得其妻密藏氏與私通雅爾氏出之

為尼會元昊欲納瑪伊克氏為寧令格妻見其美自娶之寧令格憤而殺元昊不死剗其鼻而去匿黃廬

為密藏氏之兄鄂特彭所殺元昊遂因鼻創而死方密藏氏之為尼也已育娠元昊既死而生子是為諒

祚鄂特彭立之以密藏氏為太后此載與宋史異李燾長編因之續綱目節錄數語於圖外以示存疑今

據東都事畧云云密藏氏既已斥出為尼其生子又在元昊死後鄂特彭擁立夏國將相豈無一人異議

說恐不足信今以宋史為斷而附注於此按寧令格舊作寧哥雅爾舊作野利瑪伊克舊作沒移今



改

衛士作亂伏誅

帝將以閏月望夕復張燈皇后諫止之越三日親從  
官顏秀等四人謀為亂夜入禁中越屋叩寢殿皇后  
方侍帝聞變遽起帝欲出后閉閤擁持趣召都知王  
守忠使引卒入衛賊傷宮嬪殿下聲徹帝所宦者以  
乳媪毆小女子給奏后叱之曰賊在近殺人敢妄言  
耶陰遣人挈水踵後賊果舉炬焚簾水隨滅之是夕

觀此所載仁宗  
曾一后之不如  
直是無丈夫氣  
但所云剪髮微

賞能盡識其  
人點者將自剪  
髮以邀功且不  
數月而以張美  
人為有庖蹕功  
吏謂賊本起皇  
后間以前後相  
形而論則紀事  
之不實多誣賤  
可知矣

所遣宦侍后皆親剪其髮曰以是徵賞故爭盡死力  
守忠兵至賊就擒滅詔領皇城司者皆坐斥事連副  
都知楊懷敏夏竦與懷敏相結欲曲庇之乃請御史  
與宦官同鞠于禁中丁度曰宿衛有變事關社稷請  
付外臺窮治因爭于帝前帝從竦議由是懷敏止降  
官領內職如故

三月詔羣臣言時政闕失

帝幸龍圖天章閣以手詔問輔臣及御史中丞以上

時政闕失皆給筆札令即坐以對時陳執中不學少  
文固辭不對宋庠亦請至中書合議條奏乃聽兩府  
歸而上之翰林學士張方平方鎮院草制夜半與所  
條對俱上言汰冗兵退剩員慎磨勘擇將帥四事帝  
覽奏驚異詰旦更賜手札問詔所不及者方平復上  
備邊恤刑二事又言比來朝廷頗引輕險之人內為  
言官外為按察多發人曖昧之事天下承風靡然一  
變故將相以至卿大夫士一動一為輒曰恐致人言

苟且因循求免謗咎何暇展布四體為國立事哉

殿時

中侍御史何郅言國家設侍從之官自學士至待制公卿之才並由此出自頃相承惟以文翰待之而不責其言議臣下亦以職分當爾自安循默以天下利害之大備言責者惟御史諫官十人而欲陛下聰明無所遺政理無所失不可得矣乞諭兩制臣僚自今聞朝政闕失並許論列御史中丞魚周詢言近西陲備禦天下繹騷日費千金生靈重困今元昊幼子新立乃朝廷寬財用恤民力之時速宜經度以紓匱乏願委安撫使與守邊掌記臣僚裁減冗兵節抑浮費又言仕進多門滋長奔競糜費廩祿願特詔進士解褐無令過多流外奏補宜暫停止又請擇牧守選將帥斥貪殘汰庸駑凡千有餘言帝以執政及近臣所對多疎濶特嘉周詢詳敏

何郅字聖從成都人

西夏寇邊宋不能致討及有隙可乘又復坐失事機不振實甚程琳之言止可施于無釁之屬國而非所論于叛臣使拘泥不知變通則傳所稱兼弱攻昧非武之善經矣宋代迂儒每藉此以文其怯懦

夏四月冊諒祚為夏國主

夏遣使來告哀朝廷及契丹皆遣使慰奠議者請因諒祚幼弱母族專國以節鉞啖其三大將使各有所部分以披其勢可以得志陝西安撫使程琳曰幸人之喪非所以柔遠人不如因而撫之帝乃遣使冊諒祚為夏國主議者深惜朝廷之失機會

罷丁度為觀文殿學士以明鎬參知政事

度以與夏竦議事不合求解政事乃置觀文殿學士

程林武夫何亦  
為此委靡之見  
耶

以授之度性淳質在翰林十五年數論天下事未嘗  
及私帝雅量之文彥博數推鎬貝州之功且薦其才  
可大用帝遂以代度

未幾  
鎬卒

五月無雲而震夏竦免以宋庠為樞密使龐籍參知政事  
何郊論竦姦邪不可任樞要會京師一日無雲而  
震者五帝方坐便殿趣召翰林學士張方平至謂曰  
夏竦姦邪以致天變如此宜免之乃出知河南  
冬十二月以美人張氏為貴妃

初衛士之變帝以美人有扈蹕功夏竦建議欲尊之

同知諫院王贇

字至之廬陵太和人

因言賊本起皇后閣前請

究其事冀動搖中宮陰為美人地上以問御史何郯

郯曰此姦人之謀不可不察上悟事遂寢然美人卒

以功進貴妃

已皇祐元年春正月甲午朔日食

二月彗星見

夏五月加知青州富弼禮部侍郎辭不受

先是河北京東大水民流就食青州富弼勸所部民出粟益以官廩得公私廬舍十餘萬區散處其人以便薪水官吏自前資待缺寄居者皆給其祿使即民所聚選老弱病瘠者廩之仍書其勞約他日為奏請受賞率五日輒遣人持酒肉飯糗慰藉出于至誠人以為盡力山陵陂澤之利可資以生者聽民擅取死者為大冢葬之目曰叢冢及麥大熟民各以遠近受糧而歸凡活五十餘萬人募為兵者萬計前此救災



者皆聚民城郭中為粥食之蒸為疾疫及相蹈藉或待哺數日不得粥而仆自弼立法簡便周盡天下傳以為式帝聞遣使褒勞加拜禮部侍郎弼曰救災守臣職也固辭不受

秋八月陳執中罷以宋庠同平章事高若訥參知政事龐籍為樞密使梁適為副使

執中居位無所建明但延接卜相術士言者屢攻之遂以足疾求罷出知陳州庠初執政遇事輒分別可

否及再登用遂浮沉自安然天資忠厚嘗曰逆詐恃明殘人矜才吾終身不為也

汰諸路兵

文彥博龐籍建議省兵衆以為不可帝以為疑彥博籍共奏曰公私困竭正坐冗兵果有患臣請死之帝意遂決于是簡汰陝西及河北諸路羸兵為民者六萬減廩糧之半者二萬又詔減陝西兵屯內地以省邊費

九月廣源州

宋霸廣州地在今安南國諒山府東北

蠻儂智高反寇邕州

儂氏自唐初即雄于西原

注見前

世為廣源州首領唐

末交趾彊盛廣源服屬之知儂猶州

蠻州與下安德州俱與廣源州

接界

儂全福為交人所殺其妻改適商人生智高冒姓

儂氏既壯與其母據儂猶州交人攻而執之釋其罪

使知廣源州智高怨交趾乃乘間襲據安德州潛稱

南天國改元景瑞因招納亡命貢獻中國求內附朝

廷不許復奉金函書以請亦不報智高怒與廣州進

士黃師宓等謀據廣南乃數出敝衣易穀食給言洞  
中饑饉部落離散知邕州陳珙信之不設備智高忽  
一夕縱火焚其居因結衆曰平生積聚今為天火所  
焚生計窮矣當取邕廣以自王否則兵死衆從之遂  
率衆五千沿江即廣西南寧府之左江源出廣源州東下攻邕州橫江  
砦當作橫山本唐縣宋改砦在今南寧府宣化縣東橫山上守將張日新等戰死  
詔江南福建等路發兵備之

罷武舉

冬十月契丹伐夏執諒祚之母以歸

先是契丹主伐夏北院樞密使蕭惠帥師自河南進  
戰艦糧艘綿亘數百里既入敵境偵候不遠鎧甲載  
于車軍士不得乘馬諸將請備不虞惠曰諒祚必自  
迎車駕何暇及我無故設備徒自弊耳契丹主聞夏  
人已遁而還惠師尚進未立營柵夏人奄至士卒皆  
不及甲而走死傷不可勝數至是北道行軍都統耶  
律達魯噶

舊作敵魯  
古今改

率兵至賀蘭山獲諒祚母及宮

僚官屬以歸

明年契丹復伐夏夏兩遣使于契丹乞依舊稱藩契丹遣都監蕭雅喝等使夏

索党項叛戶諒祚請代党項權進駝馬牛羊等物而求唐隆鎮乞罷所建城邑契丹主不許置諒祚母屬

於薊州

雅喝

舊作文括今改

庚二年秋九月大亨天地于明堂赦

自太祖以來未嘗親享明堂惟命有司攝事是歲帝以大慶殿為明堂仍詔有司詳定儀注于是新作禮

神玉

玉通鑑誤作主今依宋史改正

製樂八曲

五音一曲奉祖用之二變七律一曲飲福

用之七律相生一曲退文舞迎武舞及亞獻終獻徹豆用之又酌獻五帝隨月用律各從其音為五曲

二變變宮變徵也月律正月大簇為青帝四月仲呂為赤帝六月林鍾為黃帝七月夷則為白帝十月應

鍾為黑帝

九月朝享景靈宮又享太廟乃大享天地于明

堂以太祖太宗真宗配儀如圜丘大赦百官皆進秩

冬十一月詔外戚毋得任二府

時張貴妃寵冠後庭堯佐

字希元

其伯父也驟除宣徽

節度景靈羣牧四使殿中侍御史唐介

字子方荆南人

與知

諫院包拯

字希仁廬州合肥人

吳奎

字文長雖州北海人

等力爭之中丞

王舉正又留百官班廷論故有是詔且罷堯佐宣徽

景靈二使

閏月詔更定雅樂

先是帝以大享明堂召近臣同閱雅樂至是言者以  
鑄鍾特磬未協音律詔令鄧保信阮逸盧昭序同太  
常檢詳典禮別行鑄造太常薦太子中舍致仕胡瑗  
詔同定鐘磬制度又下詔中書門下集兩制太常官  
置局于秘閣詳定大樂王堯臣薦天章閣待制趙師  
民博通古今願同詳定尋又詔議定樂名王堯臣等



奏宜名大安從之

時田況宋祁薦益州鄉貢進士房庶曉音律召詣闕自言嘗得古本

漢志云度起于黃鍾之長以子穀秬黍中者一黍之起積一千二百黍之廣度之九十分黃鍾之長一為一分今文脫之起積一千二百黍八字故自前世以來累黍為尺以制律是律生于尺非起于黃鍾也蓋自漢一為一分者九十分之一後誤以一黍為一分其法非是當以秬黍中者一千二百實管中黍盡得九十分為黃鍾之長九十加一以為尺則律定矣直秘閣范鎮是其說而胡瑗等制樂已定故授庶校書郎而遣之惟集賢校理司馬光不以鎮言為是數與論辨然世鮮鍾律之學竟不能決田況字元均冀州信都人范鎮字景仁華陽人後三年知制誥王洙字原司馬光字君實陝州夏縣人

叔克臣之叔

言黃鍾為宮最尊者但聲有尊卑不在形體

之大小若隨律長短為鍾大小之制則減至應鍾比

黃鍾繞四分之一又九月十月以無射應鍾為宮即

黃鍾大呂反為商聲宮小而商大是君弱臣彊之象

今參酌鑄鍾特磬制度欲且各依律數算定長短大

小容受之數仍以景祐中黍尺

胡瑗以橫黍累尺事具前

為法鑄

大呂應鍾鐘磬各一即見形制聲韻所歸奏可翰林

學士承旨王拱辰復言黃鍾為諸律之首蓋君德之

象不可並也今十二鍾磬一以黃鍾為率與古為異

請更詳定知諫院李兌

字子西  
臨潁人

言竊聞崇文院聚議

王拱辰欲更前史之義王洙不從論議喧嘖夫樂之

道廣大微眇非知音入神豈能輕定且阮逸罪廢之

人務為異說欲規恩賞朝廷制樂當國財匱乏之時

煩費甚廣器既成矣又欲改為雖命兩府大臣監議

未能裁定當請以新成鐘磬與祖宗舊樂參校其聲

但取諧和近雅者用之于是詔南郊仍用舊樂其新

定之樂常祀及朝會用之

初王朴所制編鐘皆側垂  
李照與胡瑗皆非之又太

雅樂務諧律呂  
新舊殊製當折  
衷于是以用之  
協和神人豈可  
使有同異乃于  
南郊用舊常祀

朝會用新其何以示同和而睦  
一作哉

常藏古編鐘其聲與朴鐘夷則清聲合而其形側重  
後至和二年瑗改鑄正其鈕使下垂叩之奔鬱而不  
揚其鐃鐘又長甬而震掉聲不和著作佐郎劉義史  
曰此與周景王無射鐘無異上將有眩惑之疾其明  
年正月帝暴感風眩人以其言為  
驗劉義史字仲更澤州晉城人

辛三年春正月辛魏國大長公主

太字

第

公主幼不好弄貌類太宗下嫁李遵勗

字公武上黨人繼昌子

賓客皆一時賢士大夫每燕集主必親視饗餼之節

莊獻太后嘗賜金龍小冠辭不敢服太后訪以政事

多語祖宗舊事以諷遵勗守許州暴得疾主亟欲往

視不待奏而行從者纔五六人居其喪衰麻未嘗去  
身服除不復御鮮華嘗燕禁中帝親為簪花主辭曰  
自誓不復為此久矣未幾病目帝自臨視親舐主目  
左右感泣帝亦悲慟問子孫所欲主曰豈可以母疾  
而邀賞邪賚白金三千兩不受至是以暴疾聞帝促  
駕往視未至而主卒乃即主堂易服奠哭

諡主曰  
獻穆

三月宋庠免以劉沆

字冲之吉  
州永新人

參知政事

時有偽造勅牒者庠弟祁之子與遊事覺包拯等言

庠不戢子弟且在政府無所建明庠遂求去出知河南府

夏六月詔州郡勿獻瑞物

知無為軍茹孝標獻芝草帝曰朕以豐年為瑞賢臣為寶草木之異馬足尚哉免孝標罪而戒州郡勿復獻

秋八月京東淮浙饑

諫官吳奎言近歲以來水不潤下盜賊橫起皆陰威

所致今朝廷之過在乎因循中外臣寮建一策舉一官雖有可取皆抑而不行又從而媒蘖謂之生事如兩河盜賊行路之人皆已傳布而大臣不以為事至執殺官吏然後倉皇移易官守不亦晚乎事將有大于此者幸陛下留意

冬十月以張堯佐為宣徽南院使貶殿中侍御史裏行

唐介為英州

注見前

別駕文彥博免

堯佐復除宣徽使知河陽命下介謂同列曰是欲與

宣徽而假河陽為名耳獨抗言之帝謂曰除擬本出  
中書介遂劾文彥博知益州日造間金竒錦緣閣寺  
通宮掖以得執政今顯用堯佐益自固結請罷之而  
相富弼語甚切直帝怒卻其奏不視且曰將遠竄介  
徐讀疏畢曰臣忠憤所激鼎鑊不避何辭于謫帝急  
召執政示之曰介論事是其職至以彥博由妃嬪致  
宰相此何言也進用冢司豈應得預而乃薦弼時彥  
博在帝前介責之曰彥博宜自省即有之不可隱彥



博拜謝不已帝益怒梁適叱介使下殿修起居注蔡襄趣進救之貶春州別駕王舉正言其太重帝亦悟明日取其疏入改英州而罷彥博知許州吳奎亦以介黨出知密州帝慮介或道死有殺直臣名命中使護之由是介直聲聞天下然彥博事之有無卒莫能辨

夏竦卒以龐籍同平章事高若訥為樞密使梁適參知政事王堯臣為樞密副使

疎卒賜謚文正同知禮院司馬光言謚之美者極于  
文正疎何人乃得此謚判考功劉敞字原父言謚者  
有司之事疎姦邪而謚之以正不應法且侵臣官詔  
更謚文莊

壬辰四年夏五月資政殿學士汝南公范仲淹卒

謚文正

仲淹生平勵志聖賢之學嘗自誦曰士當先天下之  
憂而憂後天下之樂而樂其為政忠厚所至有恩邠  
慶二州之民與屬羗皆畫像立生祠其卒也哀號如

興造以贍貧民  
焉暇于工實可  
補周官荒政所  
未反至遊宴湖  
山使民有所仰  
食雖亦分有餘  
以濟不足然時  
當饑饉閭閻升  
斗惟歎又復飲  
食嬉遊以耗穀  
則市糴益將騰  
踊且仲淹稱先  
憂後樂者日對  
鵲形鵲面之人  
而燕娛自適亦  
可以為清不若

父

仲淹在朝嘗上言曰與陛下共理天下者惟守宰  
最要此年以來不知選擇一切以例除之其間良

吏百無一二使天下賦稅不得均獻訟不得平水旱  
不得救盜賊不得除救之之術莫若守宰得人則政  
舉矣其知杭州也值歲饑仲淹日出宴于湖山縱民  
競渡諭諸寺僧造殿宇又新倉廩吏舍日役千夫監  
司勅奏杭州不恤荒政仲淹言所以遊宴興造欲發  
有餘之財以惠貧者使工技貿易之人皆得以仰給  
食于公私荒政之施莫此為大既而兩浙惟杭州晏  
然遂著為令

儂智高陷邕橫諸州

橫州唐置今屬寧南府

遂圍廣州詔鈐轄陳

曙等發兵討之

智高攻陷邕州執知州陳珙等欲任司戶孔宗旦

魯人

富弼之賑恤青  
州良法可循也

以事宗旦不屈遂遇害

都監張立  
亦罵賊死

智高即州建大南

國自稱仁惠皇帝置官屬時天下久安廣南州郡無

備智高所向守臣輒棄城走遂陷橫貴藤

今廣西梧州府藤縣

梧康

今廣東肇慶府平慶州

端龔

今廣西潯州府平南縣

封

與貴梧端  
注俱見前

八

州知封州曹覲

字仲賓  
建安人

知康州趙師旦

字潛叔  
宣城人

皆戰

死智高進圍廣州知州魏瓘力戰禦之知英州蘓緘

字宜父泉  
州晉江人

蒐募壯勇合數千人赴援扼賊歸路得黃

師必父斬之以徇而轉運王罕亦自外至募民兵益

修守備城得不陷事聞命陳曙討之又以余靖為廣  
西安撫使同提刑李樞及曙經制賊盜事復以楊畋  
字樂道崇  
勳曾孫體量安撫廣南發廣東鈐轄兵赴之  
以狄青為樞密副使

初尹洙與青談兵善之薦于韓琦范仲淹曰此良將  
材也二人待之甚厚仲淹授以左氏春秋且曰將不  
知古今匹夫勇耳青由是折節讀書悉通秦漢以來  
將帥兵法累進馬軍副都指揮使青起行伍十餘年

而顯貴面涅猶存帝嘗勅青傳藥除之青指其面曰  
陛下以功擢臣不問門地臣所以有今日由此涅耳  
臣願留以勸軍中不敢奉詔帝益重之至是自知延  
州召拜副使臺諫王舉正等諫其不可帝不聽

秋七月懷智高陷昭州九月以孫沔為廣南安撫使

初以沔知秦州入見帝以秦事勉之對曰秦州不足  
煩聖慮陛下當以嶺南為憂臣觀賊勢方張官軍朝  
夕當有敗奏既而昭州鈐轄張忠

注見前

以擊賊敗沒

事聞帝乃除沔湖南江西安撫使沔請發騎兵求武庫精甲梁適折沔曰毋張皇沔曰前日惟亡備故至此今乃欲示鎮靜耶夫實備不至而貌為鎮靜危亡之道也乃與兵七百人沔憂賊度嶺而北乃檄湖南江西曰大兵且至其繕治營壘多具燕犒賊疑不敢北侵行至鼎州

本朗州祥符中改名後升常德府今府屬湖南加廣南安撫

使

以狄青為荆湖宣撫使督諸軍討儂智高

智高寇擾日甚嶺外騷動楊畋等久無功帝以為憂

智高移書行營求邕桂節度使帝將受其降梁適曰

若爾則嶺表非朝廷有矣會狄青上表請行遂以為

宣撫使提舉廣南經制盜賊事青入對自言曰臣起

行伍非戰伐無以報國願得蕃落數百騎益以禁兵

羈賊首致闕下帝壯其言時命入內都知任守忠為

青副知諫院李兌言唐失其政以宦者觀軍容致主

將掣肘是不足法遂罷守忠諫官絳

字子華德  
第三子

韓復



言青武人不宜專任帝以問龐籍籍力贊青可用且  
言號令不專不如不遣乃詔嶺南諸軍皆受青節度  
以范祥

字晉公  
邠州人

為陝西轉運使制置解鹽事

自復權法兵民輦運不勝其苦並邊務誘人入中易  
粟皆為虛估騰踊至數倍大耗京師錢幣太常博士  
范祥闕中人也熟其利害常謂兩池之利甚博而不  
能少助邊計者公私侵漁之害也儻一變法歲可省  
度支緡錢數十百萬乃畫策以獻遂命制置其事使

推行之論者爭言其非是遣戶部使包拯馳視還言  
其便論者猶籍籍驛召祥至與三司雜議皆是祥所  
建詔從之田況請久任祥以專其事乃擢祥為轉運  
使于是舊禁鹽法一切通商聽鹽入蜀罷九州軍入  
中蜀粟令人實錢償以鹽授以要券即池駝券按數  
而出盡弛兵民輦運之役以商所入緡錢糴粟輸並  
邊九州軍而悉留椎貨物錢幣以入中都由是黠商  
貪賈無所僥倖關內之民得安其業公私便之

貨志祥之獻策變法在慶歷四年會祥以病告不果  
行至八年後中前說乃以祥為陝西提點刑獄兼制  
置解鹽事推行其法至皇祐元年侍御史知雜何卽  
復言其非其明年遣包拯既視以為便田況為三司  
使請久任祥乃擢祥為轉運使是祥法之行在慶歷  
八年祥之為轉運亦當在是年之前續綱目及通鑑  
皆書于此且以鹽法至此始變者殊為失實但食貨  
志及范祥包拯田況各傳俱不著日月若改書在慶  
歷八年無月可繫今姑仍  
其舊而加注以辨于此

冬十月以胡瑗為國子監直講

瑗既居太學其徒至不能容取旁官舍處之禮部所  
得士瑗弟子十常居四五隨才高下喜自修飭衣服

容止往往相類人遇之不問可知為瑗弟子也時與孫復同為直講復教養不及瑗而治經過之

十一月壬寅朔日食

十二月狄青勒兵賓州

唐置今屬柳州府

陳曙兵敗青斬之以

徇先是儂智高陷賓州復入于邕

時交趾請出兵助討智高余請以便

宜許之請于朝青奏曰假兵于外以除內寇非我利也以一宿高樓戡二廣力不能制乃假蠻夷兵蠻夷貪得忘義因而啟亂何以禦之願罷交趾助兵帝從之及是青合孫沔余靖之

兵進次賓州青行軍立行伍明束約野宿皆成營柵

戒諸將無得妄與賊鬪聽吾所為鈴轄陳曙乘青未

至輒以步兵八千擊賊潰于崑崙關

在南寧府宣化縣東北崑崙山

上方與紀要關扼賓邕兩界旁多岐嶺最為衝要

殷直袁用等皆遁青曰令

之不齊兵所以敗晨會諸將堂上揖曙起并召用等  
三十二人按以敗亡狀驅出軍門斬之沔靖相顧曙  
貽諸將股栗莫敢仰視

癸巳五年春正月狄青夜度崑崙關大敗儂智高于邕州

智高走大理

即唐南詔滇載記石晉天福初  
段思平據有南詔改國號大理

廣南平

秋青下崑崙  
李愬之入淮蔡  
同為攻其無備  
而設詭器異烈  
則累命裴度而  
勒兵退發青則  
盛張燈宴而微  
服履行非青之  
必欲輕悅冒險  
也蓋元和之師  
素奉節制故不  
妨先事部分而  
此則人未相習  
不能運如臂指  
雖陳曙輩違令  
致敗軍律已申

青既誅陳曙因按兵止營令軍休十日衆莫測賊覘

者還言軍未即進青明日即整兵自將前軍孫沔將

次軍余靖為殿夕次崑崙關值上元節大張燈樂飲

徹曉次夜二鼓方宴徒軍官青忽稱疾暫起如內數

使勸飲遲明諸將環立帳前待令乃發而青已微服

與先鋒度關趣諸將會食關外賊方覺悉出逆戰右

將孫節

開封人

搏賊死山下賊氣銳甚沔等懼失色青

執白旗麾藩落騎兵從左右翼擊之縱橫開合部伍

而人心尚未聯  
屬使預示機宜  
安係無漏泄情  
事者中夜勸飲  
如常遲明始趣  
會食諸將且無  
從揣測賊人更  
何由窺見端倪  
成功之速實在  
于此而其照有  
成算出奇致勝  
則兩人如一轍  
也

不亂賊不知所為大敗走追奔五十里斬首數千級

賊黨黃師宓儂建中等及偽官屬死者百五十七人

生擒賊五百餘死者萬計智高夜縱火燒城遁去由

合江口

左右兩江合流處注見前

入大理青按兵入城獲金帛鉅

萬招復老壯七千二百嘗為賊所俘脇者慰遣之梟

師宓等于城下時賊屍有衣金龍衣者衆謂智高已

死欲以上聞青曰安知其非詐邪寧失智高不可誣

朝廷以貪功也廣南悉平捷至帝喜曰青破賊龐籍

之力也又曰向非梁適言南方安危未可知也詔余

靖經制廣西追捕智高而召青沔還朝

後二年靖遠監部蕭注入

特磨道生獲智高母及其弟智光子繼宗等又募死士使大理求智高重譯得至會智高已死函首至京師乃誅其母及其弟子蕭注字巖夫新喻人特磨道今雲南廣南府是

夏五月高若訥罷以狄青為樞密使孫沔為副使

賞平廣南功也龐籍及臺諫朝士皆論青不可長省

府帝不聽

以孫抃

字夢得眉山

為御史中丞



韓絳奏抃非糾繩才抃即手疏曰臣觀方今士人以  
善求事為精神以能訐人為風采捷給者謂之有議  
論刻深者謂之有政事諫官所謂才者無乃謂是乎  
若然臣誠不能也上察其言趣令視事未幾抃舉吳  
中復字仲庶永興人為監察御史抃未始識其面或問之抃  
曰昔人恥為呈身御史今豈薦識面臺官邪

秋閏七月龐籍罷以陳執中梁適同平章事

籍長于吏事持法深峭士卒畏服及為相聲名減于

治郡時會姻屬與堂吏受賂事覺罷知鄆州執中適  
遂相

詔定內侍員

詔自今內侍供奉至黃門以一百八十人為額仍詔  
內侍省都知押班須年五十以上歷任無贓私罪者  
乃得為之

冬十月丙申朔日食

十一月詔減畿內諸縣稅

端明殿學士張方平言王畿賦斂之重詔開封府諸縣兩稅于元額減二分永為定式

甲午至和元年春正月貴妃張氏卒追冊為溫成皇后二月孫沔罷

貴妃巧慧多智數善承迎至贈其父堯封為郡王世父堯佐至太師姍戚莫不顯貴然帝守法度事無大小悉付外廷議凡宮禁干請雖已賜可或輒中卻妃嬖幸少比然終不得紊政及卒帝憂悼甚至輟朝七

日禁京城舉樂一月追冊為皇后治喪皇儀殿知制誥王洙鈞擬非禮陰與內侍石全斌附會欲令孫沔讀冊宰相護葬帝從之沔曰陛下以臣沔讀冊則可以樞密副使讀冊則不可遂求罷乃出知杭州時陳執中為首相奉行惟謹且引洙為員外翰林學士士論由是爭咎執中

京師疫

內出犀角二令太醫和藥以療民其一通天犀也左

右請留供服御帝曰吾豈貴異物而賤百姓哉立命碎之  
以田況為樞密副使三月王貽永罷以王德用為樞密使  
貽永尚真宗女鄭國公主自以祖宗來無外嬖輔  
政者恒懼寵祿過盛故在樞府十五年能遠權勢帝  
由是益加尊禮至是以疾罷德用時以太子太師致  
仕會乾元節上壽立班廷中契丹使語譯者曰黑王  
相公乃復起邪帝聞之遂拜樞使

夏四月甲午朔日食用牲于社

秋七月以程戡

字勝之許州陽翟人

參知政事梁適免

適曉暢法令臨事有膽量而多挾智數貪黷怙權不

戢子弟御史中丞孫抃御史馬遵

字仲淹樂平人

吳中復論

之出知鄭州

八月以劉沆同平章事冬十月葬溫成皇后祔其主于

太廟

劉沆充溫成皇后園陵監護使既葬祔廟賜后閣中金

劉沆以會葬得  
校平章論者  
之乃載其力辭  
賜金事然辭賞  
而為其子求官  
所望不更奢乎  
是亦鑿斷賤文  
夫而已且仁宗

器數百兩沆力辭而為其子請試學士院遂授館職

獨未聞賜錢而  
不與郎官之事  
乎

乙未二年春三月改封孔子後世愿孔子四十代孫為衍聖公

世愿罷封文宣公太常博士祖無擇字擇之言祖諡不

可加後嗣乃詔改封仍令世襲

夏四月定差衙前注見前法

初太宗立九等差役法事具前後承平既久姦偽滋生

而里正衙前謂以里正復充衙前輦運官物賠償折耗役為至

重民多破產者知并州韓琦請罷其法蔡襄亦為帝

言之乃視貲產多寡差排鄉戶衙前選鄉中貲眾高者充差置

籍分為五則定役輕重而罷里正衙前自是民稍休

息

馬端臨曰既云罷里正衙前而後選賢最富者為鄉戶衙前則不過能免里正重役應役之若而衙

前獎如故也

以趙抃

字閱道衛州西安人

為殿中侍御史

抃彈劾不避權倖聲稱凜然京師目為鐵面御史其

言務欲朝廷別白君子小人以為小人雖小過當力

過而絕之君子不幸註誤當保全愛惜以成就其德

時吳充鞠真卿馬遵吳中復等皆以直居言外

充真卿以

君子小人之別  
平時衡量人品  
則然至有過誤  
而干吏議豈能  
復據以為斷若  
預設流品于何



中無論別白未  
必悉當即果無  
消滋而怨于君  
子既非春秋責  
備賢者之義刻  
于小人亦非聖  
人不為己甚之  
心又何以示大  
公而申成憲耶

論溫成皇后追冊事出  
道中復以論罷梁適出歐陽修賈黯字直孺鄧州人復求郡

抃言近日正人端士紛紛引去者以正色立朝不能  
諂事權要傷之者衆耳由是充等悉得召還

六月陳執中免

知諫院范鎮論執中無學術非宰相器會執中嬖妾  
笞小婢出外舍死孫抃趙抃等論之不報至是以旱  
錄囚鎮言執中為相不病而家居陛下欲弭災變宜  
速退執中以快天下之望今臺臣不以陰陽不和責

宰相而舍大索小暴揚燕私若因此為進退是因一婢逐一相非所以明等級辨堂陛也孫抃復與其屬合班論奏執中過失執中竟免

以文彥博富弼同平章事

宦官宮妾不知姓名之語從來傳為美談而不知實非也即如司馬光婦人女子無不知之貴宦官宮妾獨不知子豈亦因其

帝嘗問置相于王素素對曰惟宦官宮妾不知姓名者可充其選帝曰如是則富弼爾至是彥博與弼同召至郊詔百官迎之范鎮言曰隆之以虛禮不若推之以至誠及宣詔士大夫相慶于朝帝遣小黃門覘

知之而不可用  
乎用人爲人主  
取世大權不但  
宦官宮妾不可  
操其權而已也  
且彼時獨一富  
弱爲若輩所不  
知則在朝者將  
盡爲若輩所知  
者矣獨一富弱  
其如三公九列  
何而一時君臣  
方且侈然自詡  
爲盛事不亦大  
可笑乎

知之語翰林學士歐陽修曰古之命相或得諸夢卜  
今朕用二相人情如是豈不賢于夢卜哉修頓首賀  
會契丹使者耶律防至王德用與射于玉津園防曰  
天子以公典樞密而用富公爲宰相將相皆得人矣  
以張昇

字果卿  
華城人爲御史中丞

昇指切時政無所避畏帝謂之曰卿孤立乃能如是  
昇對曰臣仰托聖主致位侍從是爲不孤今陛下之  
臣持祿養望者多而赤心謀國者少竊以爲陛下乃

孤立耳帝為感動

秋八月契丹主宗真卒子洪基立

宗真入秋山

在遼長春州境長春州今為郭爾羅斯地

有疾翌日卒

宗真性佻

佻嘗因夜宴自入樂隊又數變服入酒肆寺觀尤重浮屠法僧有正拜三公三師兼政事令者其臣馬保忠嘗勸以臣下無勲勞宜序進之宗真弗然怒曰若爾則是君不得專豈社稷之福耶自是欲有遷除必先厚賜近臣以絕其言及卒廟號興宗長子燕趙國王洪基即位以太

弟重光為太叔大赦改元清寧尊皇太后為太皇太后遣使來告哀朝廷遣使祭奠

冬十月知辰州宋守信擊下溪蠻不克

下溪州自彭允林歸順

事見前

其後世為刺史至仕義

允林傳子師皎太平興國中允殊襲刺史至仕義又五傳

有子曰師寶怨仕義取

其妻及是來奔辰州訴仕義嘗殺誓下十三洲

注見前

將奪其印符而并其地自號如意大王補置官屬將起為亂知辰州宋守信聞之乃以師寶為鄉導帥兵數千深入討伐仕義遁入他洞不可得俘其孥官軍戰死者十八九守信等皆坐貶自是蠻獠數入寇掠

邊吏不能制

朝廷姑欲無事遣使諭旨許以改過自歸初輒不聽後遣轉運使以大兵臨之

至嘉祐二年仕義姑就降奉職貢然猶數盜邊久之

位義為其子師綵所殺師綵專為暴虐其兄師晏攻

殺之納誓表于朝

乃命師晏襲州事

十二月修六塔河

六塔地名今大名府清豐縣西南有六塔集即宋時開河處

初真宗景德元年河決澶州橫隴埽

在今大名府開州東尋復

修塞

時河屢決著作郎李垂上導河形勝書并圖其畧朝議謂其煩費議遂寢未幾河決滑州之天

臺山傍垂又言疏河利害議復寢久之決河始塞至

天臺山在衛輝府滑縣西李垂字舜工聊城人

帝景祐元年河又決橫隴遂為大河經流迨慶歷八

年河復決州之商胡埽

在今開州東北宋史河渠志決口廣五百五十七步皇祐

元年河合永濟渠注乾寧軍

而橫隴斷流已而復決大名館陶

皇祐

二年河決館陶之郭固四年塞之

至是殿中丞李仲昌

垂之子

請自商

河穿六塔渠引河歸橫隴故道

先是郭固雖塞而河勢獨壅議者請開六

塔以披其勢及是仲昌復以為言

詔從之發丁夫三十萬修六塔河

時穿渠自開州北引商胡決河流經六塔東南入橫隴故道是為六塔河

以仲昌提舉河

渠翰林學士歐陽修三上疏力諫不聽

方議開六塔河之初上疏

以為修河之役有大不可者五宜速止罷用安人心既而有詔詳定仲昌河議修復上疏以為開六塔者

云可以全回大河使復橫隴故道今六塔止是別河  
下流所散為志已多若全回大河以注之則河北之  
州縣當不勝其害而入故道淤澀上流必有他災之  
虞願下臣議裁取其當及中書奏仲昌提舉修復上  
疏請罷其役且言功必不成後悔無  
及時富弼尤主仲昌議疏奏皆不省

明年四月朔塞

商胡北流

以商胡之流北合永濟渠故謂之北流

入六塔河不能容是

夕復決溺兵夫漂溺蒙不可勝計仲昌坐流英州餘

謫罰有差由是議者以不復論河事

考續綱目及宋元通鑑是條之


載以修六塔而橫隴商胡之決並不先行揭出但錄  
宋史河渠志總志數十言于河決館陶之上叙次殊  
不明晰且歐陽修三狀不更節採數語亦為疎漏今  
依河渠志並採修文集及胡渭禹貢錙指所云宋時



穿渠云  
云改輯



御批歷代通鑑輯覽卷七十五



總校官進士臣程嘉謨

校對官學錄臣常循

膳錄監生臣周光裕